



Republika e Kosovës – Republika Kosova  
Paneli Zgjedhor për Ankesa dhe Parashtrësia  
Izborni Panel za Žalbe i Predstavke

**A nr. 3/2019**

Paneli Zgjedhor për Ankesa dhe Parashtrësia (PZAP), në panelin e përbërë nga gjyqtarët Faton Ademi kryesues, Rafet Haxhaj dhe Rustem Thaqi anëtarë, me pjesëmarrjen zyrtarit të lartë ligjor Kudret Hasani, duke vendosur lidhur me apelin e kandidatit nga subjektit politik nga Partia Euroatlantike e Kosovës (PEK), Ibrahim Abazi, me seli në Prishtinë, të paraqitur kundër vendimit të Komisioni Qendror të Zgjedhjeve (KQZ) nr. 971/2019 të datës 09.09.2019, për tërheqjen nga lista e kandidatit për deputet në Zgjedhjet e Parakohshme për Kuvendin e Republikës së Kosovës që do të mbahen me datën 06.10.2019, në seancën e mbajtur me 11.09.2019, mori këtë:

#### V E N D I M

**I. PRANOHET** si i bazuar apeli Anr.3/2019 i datës 10.09.2019 parashtruar nga kandidatit Ibrahim Abazi nga Prishtina, lidhur me tërheqjen nga lista e kandidatëve për deputet nga Partia Euroatlantike e Kosovës (PEK).

**II. NDRYSHOHET** vendimi i Komisionit Qendror Zgjedhor (KQZ), me Nr. 971/2019 të datës 09.09.2019 dhe vendoset: **I LEJOHET** kandidatit: Ibrahim Abazi nga Prishtina tërheqja nga lista e kandidatëve për deputet nga Partia Euroatlantike e Kosovës (PEK)

#### Arsyetim

Me datën 10.09.2019, PZAP-i ka pranuar një apel nga Ibrahim Abazi,, kandidat për deputet në zgjedhjet e parakohshme për kuvendin e Republikës së Kosovës , nga subjekti politik Partia Euroatlantike e Kosovës , në të cilën kërkon që të tërhiqet nga lista për deputet, pasi që ai për arsye personale nuk mund të jetë në listën për kandidat, kjo për faktin se i njëjti thekson se nuk e ka mbështetjen e anëtarëve të familjes, ndërrimin e numrit të listës si dhe marrëveshja pa konsultim të koalicionit..

Parashtruesi i apelit kërkon nga PZAP-i që t'i merret për bazë kërkesa për tërheqjen nga lista e kandidatëve dhe të anulohet vendimi i KQZ-së.

PZAP-i, pas pranimit të apelit në kuptim të nenit 12 paragrafi 1 të Rregullave dhe Procedurave të PZAP-it, e informoj KQZ-në për apelin që është bërë ndaj vendimit të tij dhe ka kërkuar që të përgjigjet ndaj apelit.

KQZ përmes përgjigjes me shkrim i referohet dhe të njëjtën kohë i citon dispozitat ligjore të LZP-ës sipas interpretimit të së cilave deklarohet se këto dispozita nuk parashohin mundësinë e tërheqjes vullnetare të kandidatëve nga lista zgjedhore e subjektit politik me të cilin garon, përveç nëse ajo kërkohet me vendim të PZAP-it, kandidati është pjesë e listës së një subjekti tjetër politik ose ndërron jete, pra ligji nuk lejon KQZ-ne ta tërheq nga lista kandidatin e certifikuar, pasi që KQZ nuk mundet as ta kundërshtoj as t'i vërtetoj arsyet personale të kandidateve, pasi që KQZ mundet vetëm të garantoj për rregullsinë e procesit të aplikimit dhe certifikimit. Si dëshmi ka bashkangjitur : formularin për certifikim të kandidatit Ibrahim Abazi, formularin financiar të kandidatit në fjalë, shkresat nga ZRPPC-ja për subjektin politik PEK dhe listën e kandidateve të këtij subjekti.

Paneli Zgjedhor për Ankesa dhe Parashtrës – PZAP-i, pas shqyrtimit të shkresave të lëndës dhe pas administrimit të pretendimeve ankimore, vendimit kontestues të datës 09.09.2019 me numër protokollit 971/2019 të KQZ-së dhe përgjigjes në apel të KQZ gjeti se:

#### **Apeli është i bazuar**

PZAP-i vlerëson se qëndrimi juridik i KQZ-së është i kundërligjshëm pasi i njëjti është marrë me zbatim të gabuar të së drejtës materiale. Në rastin konkret KQZ-ja gabimisht ka zbatuar të drejtën materiale në raport me deklarimin e kandidatit për tërheqje nga lista e kandidatëve për deputet nga rradhët e partisë PEK, meqenëse dispozita të cilës i referohet KQZ-ja nën 28.1 nuk e sanksionon si ndales kandidatin për tërheqje nga lista e kandidatëve, nëse kjo

bëhet brenda afatit kohor dy ditor para hedhjes së shortit.

Meqenëse e vetmja ndales në rastin konkret është tërheqja pas periudhës apo afatit 2 ditor, shkaqet tjera të tërheqjes nuk janë me relevancë as për KQZ-ën e as për PZAP-në, meqenëse është e drejtë e kandidatit se a dëshiron të garoj në zgjedhje apo jo.

Tërheqja e një kandidati nga listat e kandidatëve nga një subjekt politik ose nga vet kandidati është e rregulluar me LZP konkretisht me nenin 28.1 të LZP-së, ku përcaktohet se: “subjekti politik i certifikuar mund të tërhiqet nga procesi zgjedhor duke i dorëzuar kërkesën KQZ-së, për tërheqje jo më vonë se dy (2) ditë të punës para datës së caktuar për hedhje të shortit”, ku sipas kësaj dispozite apeli i parashtruar nga ana e kandidatit Ibrahim Abazi është paraqitur brenda afatit kohor të përcaktuar me LZP-ë

Paneli konstatoj se apeli është i bazuar pasi që nën 122.1 pika c, i LPZ-së, përcakton se: “nëse kandidati pas certifikimit nuk dëshiron të marrë pjesë në procesin zgjedhor mund të parashtrtoj apel në PZAP”. Andaj mbi këtë bazë paneli konstaton se apeli është i bazuar duke marrë parasysh faktin se kandidati për deputet Ibrahim Abazi, për arsye personale nuk dëshiron që të jetë pjesë në listat zgjedhore për zgjedhjet e parakohshme për

Kuvendin e Republikës së Kosovës që do të mbahen me datën 06.10.2019. Asnjë dispozitë ligjore e LZP-ës nuk e sanksionon të drejtën e tërheqjes së kandidatit nga lista zgjedhore krejt kjo në kuptim të parimit se e drejta për të zgjedh dhe për t'u zgjedh është e drejt individuale e secilit dhe se në asnjë mënyrë nuk paraqet detyrim, përndryshe kjo do të përbënte cenim të drejtave të njeriut.

E drejta për të zgjedhur dhe për tu zgjedhur është e drejtë dhe jo detyrim i parapar me Kushtetutën e Republikës së Kosovës neni 45: "*Çdo shtetas i Republikës së Kosovës që ka arritur moshën tetëmbëdhjetë vjeç, qoftë edhe ditën e zgjedhjeve, gëzon të drejtën të zgjedhë dhe të zgjedhet, me përjashtim kur kjo e drejtë i kufizohet me vendim gjyqësor*". Andaj çfarëdo kufizimi apo interpretimi tjetër jashtë këtij domeni dhe jo mbi bazën e rregullimit ligjor nënkupton shkelje të të drejtave të njeriut.

- Me nenin 53 par. 1 të Ligjit për Procedurën e Përgjithshme Administrative, përcaktohet: "*Një akt administrativ mund të anulohet apo shfuqizohet, sipas detyrës zyrtare, nga organi publik që ka kompetenca të nxjerrë aktin, nga organi i tij mbikëqyrës apo nga një organ tjetër i përcaktuar shprehimisht me ligj.*"

- Me nenin 131 par. 4 të Ligjit për Procedurën e Përgjithshme Administrative, përcaktohet: "*Kur organi publik kompetent vlerëson se ankesa është e pranueshme dhe e bazuar plotësisht, me një akt të ri administrativ do të anulohet apo ndryshohet aktin e ankimuar, gjegjësisht do të lëshohet aktin e refuzuar, siç është kërkuar nga pala, dhe*"

PZAP-i meqenëse e aprovoi të bazuar apelin e kandidatit për deputet nga partia PEK, vendimin e KQZ-ës e ndryshoi dhe vendosi që të njëjtit t'ia lejoj tërheqjen nga lista e kandidatëve për deputet nga rradhët e partisë PEK.

Andaj në bazë të nenit 122.1 pika c, dhe nenit 118.1, të LPZ-së, neneve: 53 par. 4, 131.4 dhe 131.5 të Ligji për Procedurën e Përgjithshme Administrative u vendosi si në dispozitiv të këtij vendimi.

### **Paneli Zgjedhor për Ankesa dhe Parashtrësa**

A nr. 3/2019 më datën 11.09.2019

**Kryesuesi i Panelit**  
Faton Ademi



#### ***Këshillë Juridike:***

Kundër këtij vendimi është e lejuar ankesa sipas nenit 118 par. 4 të LZP-së, në *Gjykatën Supreme të Kosovës, brenda njëzetekatër (24) orëve nga momenti i marrjes-pranimi të këtij vendimi.*